

10 მარტი 1913 წ.

ვისაც 1913 წლ. არ გამოუწერია უურნალი „კ ლ დ ე“, იანვრიდან აღარ ეგზავნება.



უძველესი კვირეული საზოგადო. ეკონომ.-
მიზანი და სალიბერატორო უურნალი

რედაქცია ლიაა 10 - 3 საათ.

მისამართი: თბილისი, Габაевский пер. № 3 რედაქცია „კლდე“. დეპეშისა: თბილისი კლდე.

უურ. კლდის კანტორისაგან

რედაქციაში იყიდება უურნალ კლდის და-
კაზმული კომპლექტები 1912 წლისა. ფასი ქა-
ლაქში.— 1 მან. ქალაქ გარედ—1 მან. და 25 კ.

უველა ხელის მომწერთ ვთხოვთ დროით
შეგვატყობინონ ხოლმე, თუ რიგზედ არ მის-
დით უურნალი, რომ თავდარიგი დავიჭიროთ.

ს ა რ ჩ ე ვ ი: ლადოს.— ლექსი ი. გრიშავილისა.
შინა შრეწვ. აგონია ჩვენში.— თევდ. ლლონტი-
სა. მეცნიერული სიბუტე თუ შარლატნობა.— ქარ-
თლელისა. უკანასკნელი აშბები. მიმქრადი სუ-
ლის აღსარება.— დ. კასრაძისა. ბაღკანეთის ომი
და საერთაშორისო განწყობილება.— მეომარისა.
მანგლისის წვრ. კრ.— სემიტისა. ბიბლიოგრაფია.
ჩვენი ფოსტა.

ლ კ ღ ო ს *)

ხან მეფე ხარ სვე-მღვიძარე, ქედს გიხრიან ქვეყნის მპყრობელს,
ხან ვით ნაძვი ტბის ნაპირას ღვრი ცრემლებსა შეუშრობელს.

ხან მკვეთრ ისრით დაკოდილი, სულ არა გრძნობ წყლოლთა ტკენას,
სულის სწრაფვას ჰანგათ აკმევ, იორკეცებ აღმაფრენას.

ხან ოცნებით ცის სივრცეში ნიაე-ტალღად დასრიალობ,
ღრმა კაეშნით მოხიბლული სამსხვერპლოზე კენესით ჰგალობ.

შენ ჩანგი ხარ... და ეგ თმები, ეგ ქალარა თვითეული—
ხალხის გულის სიმებია, ხალხის სუნთქვით დარხეული...

და მეც ხალხის აღმაფრენამ შენთან მგონად ამომტყორცნა
მსურს მოგიძღვნა, როგორც მამას, მხოლოდ კოცნა, წრფელი კოცნა,

ქ. თბილისი 10 თებერვალი 1913 წ.

ი. გრიშავილი.

*) ლ. მესხიშვილის იუბილეზე წაკითხული ლექსი

ძინა მრეწველობის აკონია ჩვენში *)

IV.

მიზეზი მრეწველობის განადგურებისა.

ევროპულ ეოველ სხვილ სახელმწიფოში მრეწველობა მეტის მეტად განვითარებულია. კაპიტალისტური წეს-წესობილება იმ საძირკველად გადაქცეულა, რომელსეც დაც სახელმწიფო მთელ თავის სამომავლო საქმეს აკვირგვინებს. რამდენადაც ამ მხრივ განვითარებულია სახელმწიფო, იმდენადაც ის ძლიერია სოციალ-პოლიტიკურად, ფინანსურად და ეოველის მხრივ. ასე რომ კაპიტალიზმი ჩამორჩენილ ქვეყნების ერთნაირი მხსნელი მანანაა, ის აუცილებელი საფეხურია უმადლეს ეკონომიურ ფორმაციის შესაქმნელად. დღევანდელ ზირობებში კაპიტალიზმის განვითარებლობა მთელ ეროვნულ ცხოვრების ჩამორჩენას და ამიტომ ამ ჩამორჩენის მოსზობა აუცილებელი საქმეა.

არ იფიქროთ, რომ ეს კაპიტალიზმი რაღაც კადოქარი ან ზეციდან ჩამოვარდნილი რამე მძლეობა-მძლეობა იყოს. არა, კაპიტალიზმი მწარმოებელ ძალთა და საწარმოო საშუალებათა განვითარების ერთნაირი გამოხატულებაა, გამოხატულება, რომელიც ტენიკისა და ხელფრების გაბატონებას მოასწავებს მუშის ბუნებრივ ჭმან-წვევტაზე.

ხალხი სიმდიდრეს ნატურალურ მეურნეობითაც ქმნიდა; მაგრამ საწარმოო საშუალებანი მამინ ეოვლად უსუსური იყო, შემდეგ მწარმოებელი ძალა თან და თან განვითარდა, საწარმოო ზირობები გაუმჯობესდა, შეიცვალა და ადამიანის ზირობასაც ნაკლები ფასი და მნიშვნელობა მიეცა. ტენიკის საშუალებით ათასჯერ მეტი ქონების შექმნა იქმნა შესაძლებელი, ვიდრე წინად შეიძლებოდა, ე. ი. მწარმოებელი ძალა წინ წავიდა...

ასეთი განვითარება მწარმოებელ ძალის ეოველ საზოგადოებაში სწარმოებს, თუ ცხოვრებას არა-ჩვეულებრივი გარეშე ზირობები არ აფერხებს. ეველზე მეტად ამ მხრივ ევროპაში განვითარდა ინგლისი თავისი შოტლანდია-უელსით. იქ კაპიტალიზმი წარმოუდგენელ სისწრაფით გაეშურა ახალ ზირობებისაკენ და ადამ სიმტის დრთს, მე XVII-საუკუნის მიწურულში, ეკვე შესანიშნავ სანახაობას წარმოადგენდა მთელს მსოფლიოში.

ინგლისის შემდეგ, კაპიტალიზმი დიდათ წავიდა

წინ სავრანგეთში, გერმანიაში, ავსტრიაში, და უნგრეთში, ამერიკაში და რუსეთშიც დიდი ნაბიჯი გადადგა ამ მხრივ ბოლო ხანებში ავსტრალია, აფრიკა და აზიის ეველა დესპოტიური სახელმწიფოებიც მოდიან მოძრაობაში.

ჩვენ უკვე ვადიარეთ, რომ კაპიტალიზმის ანვითარების მწარმოებელთა შრომის კადლიერება, საწარმოო ზირობების თანდათან გაუმჯობესება. ისტორიიდან და თვით სინამდვილის აღწერიდან ჩვენ ვიცით, რომ საქართველოში მრეწველობის ნატურალურ ხანაში ქართველ ხალხშიც მოქმედებდნენ ეს მწარმოებელი, ჩვენ ხალხსაც ჰქონდა საწარმოო საშუალებანი. ასე რომ წარსულში ჩვენ ეოველი ის ნიადაგი და ზირობები გვქონდა, რომლის წიადიდან, ან უკეთ, რომელთა განვითარებასაც შემდეგში უნდა შეექმნა ევროპის ეოველ სახელმწიფოში განვითარებული კაპიტალისტურ-სელოვნური მრეწველობა-ადგი-მიცემობა.

მაგრამ სინამდვილე?

ძინა მრეწველობა (რომელიც ზირობელი საფეხურია) რაც მწარმოებელთა ძალების განვითარებით უნდა იქმნას დანგრეული, უკანსხელ სულს დაფავს, ქრება და იღუპება, მისი შერჩენა არც საჭიროა და არც სასარგებლო. მაგრამ შინა-მრეწველობის დანგრევა მანინა და მანინც არ უნდა იევეს მიზნად დასახული, რადგან მისი მოადვილე კაპიტალიზმი გაშვითარებული არ არის ჩვენში.

შინა მრეწველობის ეოველ ატრიბუტის დანგრევა ამ შემთხვევაშია ფრიად სიმშტომატიური და მახვენებელი მხარეში, რატორც მწარმოებელ ძალთა განვითარების, ისე საწარმოო ზირობათა გაუმჯობესებისა, როცა წარმოების ელემენტალური, უბრალო ფორმა უმადლეს, უმჯობეს ფორმაში გადადის, როდესაც ძალა იარადდება არა მარტო უბრალო გამოცდილებით, არამედ ტენიკურ საშუალებებითაც: ორთქლით, ელექტრონით, გაზით და სხვა და სხვა სამდროო ძალებით; როცა შრომის განაწილება უმწვერვალესად ვითარდება და აქედან შენდებიან საგანგებო ქარხნები, ფაბრიკები...

საქართველოს ცხოვრებაში კი შინა-მრეწველობის და განუვითარებელ მწარმოებელ ძალთა დაუძღურება ასეთ უმჯობეს-უახლეს ეკონომიურ ცხოვრების ფორმას

*) იხ. „კლდე“ № 8, 9 და 10.

როდი წარმოგვიდგენს; ჩვენში — მთელ საქართველოში — ვერ დასასკლებთ ერთ ფაბრიკას, სადაც ტილოს ან ჩითს ჰქსოვდნენ — ამ ხალებდნენ, ვერ დასახელებთ სამრეწველო დაწესებულებას, სადაც შალს, მუდს და სხვა მრავალ სახმარებელ ნივთს კაპიტალისტურ წესებითა ჰქმნიდეს, რომ ჩვენი ხალხი ძველ საწარმოო ახარებს გამოთხოვებოდეს და ახალ უმჯობეს პირობებში სწავრივად დასახლდეს თავის ენერჯისა. ასე რომ ჩვენ იძულებული ვართ ვადაროთ: საქართველოს ნამდვილ ცხოვრებაში კაპიტალისტური წარმოება, კაპიტალისტური მრეწველობა სრულიებით განუვითარებელია და თუ ჩვენი ხალხი იბრუნება კაპიტალისტურ მრეწველობის ნაყოფით, სულ ახალნაირ საქონელით, ეს საქონელი უცხოეთის ძალის ეკუთვნის — რუსეთს, ევროპას და ამერიკასაც კი.

საჭიროდ მიგვაჩნია ჩვენი აზრი უფრო დავაღვლოთ, უფრო დაწვრილებით შევხსოთ ჩვენს ცხოვრებას.

მეთხმობდა: თუ წლებში ჩვენში, უმთავრესად „კვალში“ — სპეციფიკუმი, როგორც მაგ. ნ. ჟორდანიას, ჯობდაც, მხარაძე და სხვები აღიარებდნენ, რომ საქართველოში კაპიტალისტური წეს-წესილება ვითარდება, ჩვენი ცხოვრება ევროპულ ცხოვრების სხეს იღებს, სოციალიზმს აქაც ისე დას-დასობით (კლასებად) იწვობა, როგორც ევროპაში, აქაც ვითარდება კულტურა და სხ. „კვალისტიკა“ — ეს დეპუტატმა მამინ ბევრმა არ განაწილა. „იმედი“ — „ტოტიათ“ მოტრფივალნი, „მამამე“ — სოციალური თანამშრომელნი და „ივრელები“ არ ეთანხმებოდნენ დასულ-კვალისტიკა კონცეპციას. მაგრამ მას აქეთ ბევრმა წააღმა ჩაიარა, ბევრი რამ გამოიკვია, გაშუქდა და ამ ერთნაირ განვითარების შედეგად ჩვენ უნდა ვადაროთ, რომ რამდენადმე სტრუქტურაში კაპიტალიზმის უარსმოყოფელი და ატარებდნენ აგრეთვე მარქსისტებიც. უკანასკნელნი, აღზრდილნი „კაპიტალი“ — ს მოძღვრებაზე და ეკონომიურ ცხოვრების განვითარების ფორმასა ერთნაირობის შემცნებაზე*) — უფრო აბსტრაქტულად მსჯელობდნენ, რადგან ცხოვრება, არ იყო სათანადოდ ემპირიულად შესწავლილი, ხოლო ჩვენი ნამდვილი ცხოვრების სხე და მისი მსვლელობა მათ გონივრულად, თეორიულად გამოჰყვანდა. ჩვენ ძლიერ კარგად გავსისვს მაგ. იმ დროის მახარაძის ფაქტიურ მასალებით შემუშავებული მსოფლმხედველობა: იმ ქალაქების ზრდაზე, მცხოვრებთა მოძრაობა-კონცენტრაციასზე და სხ. მაგრამ ეს კიდევ ვერაფერს ამტკიცებს. საქმე იმაში არის, რომ

საქართველოს ცხოვრებას მესამეც წლებიდან განსაკუთრებით დიდი წინ მსვლელობა დაეტოვო როგორც საზოგადო კულტურის, ისე ეკონომიის დარგში, ქალაქების ზრდა-განვითარებაში. მაგრამ ვხახოთ სინამდვილე უფრო დახლოვებით.

რუსეთის შემოსვლა და გაბატონება ჩვენში მოასწავებდა რუსეთის კაპიტალისტობის ახალ ახარების განსახლს, ბაზრის გაფართოვებას, საქონელის გასაღების ახალ საშუალებას. და დღესაც ხომ რუსეთის საქონელი განსაკუთრებითაა გაბატონებული ჩვენში. მაგრამ ამავე დროს ჩვენში მარტო საქონლის სახით კი არა, ნაღდ ფულითაც დიდ ძალი ფული შემოვიდა მრეწველობის განსახლად და ახალ ზედ მეტ სიმდიდრის შესაქმნელად. მთელი კავკასია და განსაკუთრებით საქართველო რუსობისათვის ამ მხრივ ფრიად სანტურესო იყო, რადგანაც ჩვენში შესაძლებელი იყო ისეთი სამრეწველო დარგების შექმნა, რომელიც უცხოელებს განსაკუთრებით მეტ სიმდიდრეს მისცემდა და რის საშუალება თვით რუსეთში თითქმის არ ჰქონდათ. ჩვენ გვუღისხმობა ჩვენი მთავადილების მინერალურ სიმდიდრეს. სპილენძი, ქვანახშირი, ფისი, ნავთი და სხ. ასეთები ხომ უტყუარი წარმოები იყო. და აი სწორედ ამ სათანადოდ საქმეს, რომელიც, კიდევ ვიმეორებთ, რუსეთში არ იყო, ერთიანად დაეწაფნენ რუსეთისა და საზღვარ-გარეთელი კაპიტალისტები.

უეჭველია, რომ ამ დარგშიც საქმის განხრება დიდ მნიშვნელობას და სანეირო იყო ხალხისათვის. ეს გარემოება აცხოველებდა სოფელს, ანვითარებდა მწარმოებელ ძალებს, ზრდიდა ქალაქებს, თავს უფრიადა ხალხს, ჰქმნიდა სამრეწველო ცენტრებს თავის ტენდენციებითა... და აი ცხოვრების უფილ-ხვილიმა, რასაც მოჰყვა რკინის გზის გაცხოველება, ფოსტა-ტელეგრაფების გაშენება და სხ. პირდაპირ დაბრმავეს, უკეთ გაიტაცეს ისინი, რომელნიც მრეწველობის განვითარებას ნუსხავდნენ. მაგრამ ნამდვილად განს ეს ნიშნავდა ჩვენი ქვეყნის სამრეწველო განვითარებას, ფაბრიკა-ქარხნების განსახლს, საწარმოო პირობების გაშლას, გაფართოვებას? სრულიად არა, რადგანაც მინამრეწველობის მრავალი დარგი, რომლითაც ცხოვრობდა ჩვენი ხალხი, რასაც ანვითარებდა ჩვენი ერი, ისე განაგებდა, რომ თავის არსებობიდან და განვითარებიდან ერთი რამე სავაზრეო დაწესებულებაც ვერ შექმნა, ჩვენი მრეწველობიდან, ერთი დარგიც ვერ განახლდა, ვერ აღორძინდა, ვეღარ შეიარაღდა ახალ ცხოვრების ძალებით.

ცხოვრების განუვითარებლობის ეს მხარე კი ჩვენს მკვლევართ ადლო აურთმეველი დარჩათ, ის, რაც დავინახეთ საშობ მრეწველობის დარგში, თავზე მოახვიეს

*) დეტერმინისტური, დიალექტიურ-მატერიალისტური შეხედულება ცხოვრებაზე — რაიცა ჩვენი მარქსისტების მრწამსს შეადგენდა, — ასეთ შეხედულებაში გადამტრულ ძალად ხლებოდა. — 330.

მთელ ცხოვრებას და ამ რიკად გასწავლეს გადაწყვებითი იმედინი (უელტრა-ობტიმისტური) შესხედულობანი ჩვენი ცხოვრების აწმოსა და მომავალზე.

შემდეგში შეუძლებელი იყო მთელი ცხოვრების ნამდვილი სახე უფრო მარტივად არ წარსდგომოდა ხადხს. მეთვალყურე იძულებული გახდებოდნენ თავიანთი ობტიმისმისთავის რამდენადმე ფრთები შეეჭრათ და მართლაც, შემდეგს ჩვენ მწერლობაში — განსაკუთრებით აწილ ფორფაქსს და ნოე ჟორდანას შორის, საინტერესო აზრთა დაზიარისპირება მოხდა, რაიც ჩვენი საკითხის გასარკვევად საინტერესო მასალად გამოგვადგება.

თევდ. ლლონტი.

მეცნიერული სიბეცე თუ შარლატნობა?

(ნ. სხაფიოტის წერილის გამო)

მართლაც, ცხონებულ ილიას სიტყვისა არ იყოს, ჩვენისთანა „ბედნიერი ერი“ მთელს დედამიწის ზურგზე ერთი ან უნდა მოიპოვებოდეს. ვინ გნებავთ, ბ—ნო ჩემო, რომ ჩვენს აბუჩად აგდებას და ეროვნულ თავმოყვარეობის შელახვას არა სცდილობდეს! აქ დოლი არის გამართული: ფეხიანი თუ უფეხო, მტერი თუ მოყვარე ყიზილბაშურად ვადმომდგარან და წინასწარ განზრახვით შედგენილ რუქითა თუ კომპასის ისრით ჩვენს გარშემო გააქვთ გაგნაში და ჩხავილი. ოლონდ ისე კი, რომ თვითეულმა გაჯირითების დროს ჩვენ თავში ჩავგვრან, გაგვსრისონ, იცინონ ჩვენს უკულმართ ბედის ტრიალზე. ჩვენ კი, ჩვენ, ეს პატივპურილი ქართველობა, იმავე ილიას თქმისა არ იყოს, „თითქოს მართლა ვისთანმე პირშავნი ვყოფილიყავით“, ხმის ამოღებას ვერა ვებედავთ, ერთ-ერთს ვაჩუქებთ: სსუო! არავინ გავვიგონოს, თორემ იფიქრებენ, რომ შენ ქართველობაზე სდებ თავსა, ქართველობა ხომ „ზოოლოგიური პატრიოტობაა“, ჩამორჩენილ ადამიანად ჩაგვთვლიან, „ზუბრებად“, რომელთაც საერთაშორისო სოლიდარობის დროშასთან არავითარი კავშირი არა აქვთ, და სხვა და სხვა.

თუ ეს ასე არ არის, მაშ რითი უნდა აიხსნას, რომ ასე ადვილად ვიტანთ ყოველისფერს: მიპული

მიდის ხელიდან, ენა არა თუ სასწავლებლებიდან და დაწესებულებათაგან, არამედ ოჯახებიდან იღვენება, წარსული არ არსებობს: სამარცხვინოა მისი გახსენება, ან და რა დროს „კვათა ლაღლის“ შესმენაა, როდესაც მთელი ჩვენი ისტორია ზღაპარია, მითია, დოკუმენტები ვიღაც უსაქმო ქორიკანა ბერ-ხუცესობის შედგენილია, მითია წმ. ნინო, მითია თამარი... ქართველი მხოლოდ მაშინ არის მეცნიერი, თუ რომ ის კათედრიდან გადმოდგება და მთელს ჩვენს წარსულს მთლად უარჰყოფს. სომხიფილობა, აი რა! ან არა და რაც გინდა დაარქვი შენს თავს, იყავ ბუშმენი, ყირლიზი, ოლონდ ქართველი კი ნუ! მაგრამ რომელი ერთი ჩამოვთვალო? ქეშმარიტად, რომ მხოლოდ ანომალიით შეიძლება ამ გვარი მოვლენის ახსნა, თორემ სხვაფრივ ყოვლად შეუძლებელია, შეუძლებელია თუნდა იმიტომ, რომ ილიას დიდებულ დაკრძალვის შემდგომ, ერი, რომელმაც მეფური დღესასწაული გადაუხადა აკაკის, მეორე დღესვე ხაჩატურიანცთა და მის დამქაშთა დასაცინი საგანი ხდება! ჩვენ ვიყავით ამისი ისტორიული მოწმენი და დარბაისლურადა ვსლუმდით, რა თქმა უნდა, „ზოოლოგიური პატრიოტობის“ შიშით. ასეთივე ისტორიული მოწმენი ვიყავით ყოვლად გათახსირებულ ვიღაც შარლატან ლექტორ გრინის ლექციებისა, რომელსაც ნაციონალურ მოძრაობის ზაგიერ, რომ თავხელი „პროფესორი“ საბრალმდებლო სკამზე დაგვესვა, სერიოზული სახე მივეცით მის ლექციებს და პატივცემულ ისტორიკოს მ. ჯანაშვილს მივანდეთ პასუხის მიცემა „ნოვოე ობოზრენიეს“ ფურცლებზე*).

მაგრამ შორს ნუ მივიდვართ. გრინის კომპასს მთელს ლეგიონთა ხელში ნახავთ, თუნდა ავერ გუშინაც დავინახეთ ვიღაც სპილიოტის ხელში, რომელიც ჟურნალ „Кавказская Школа“-ს ფურცლებზე ვადმომდგარა. ნახეთ, ბ—ნებო, წაიკითხეთ. შეუძლებელია, აქ არ დაინახოთ ახალი

*) 1894 წ. გრინმა თბილისის სათავად აზნაურო ბანკის დარბაზში წაიკითხა ლექცია „Эпоха Царицы Тамары“ რომელიც დაიბეჭდა იმავე წლის „Кавказ“-ის 191 და 192 ნომრებში. ეს, „ლექციები“ იმით იყო „საყურადღებო“, რომ ისტორიული მიმოხილვა შეხერახადისა და ათა-ერთი ღამის სცენებით მოჰხაზა, ტალახში ამოსვარა თამარ დედოფლის პიროვნება და ჩვენ კი მას ნება მივეცით, რომ დაუსჯელად წაბახანებულიყო. ზემოდ ხსენებულ ისტორიკოს ჯანაშვილმა თავის პოლემიკით მას შეაძლებინა თავი გამოედო, რომ თვისი მისისა ასე ჩინებულად შეასრულა.

შარლატობა, ახალი არამზადობა ან არა და მეცნიერული სიბეცე. ადამიანი, რომელმაც ჩვენი წარსულისა არა იცის რა, ჩვენს ისტორიას, უკედ ჩვენს status praisens-ს ეხება და ამერიკას ამერიკაზე აღმოაჩენს! საოცარია, ყოველი მოხელე რომ აქ „გაისტორიკოსდება“ ხოლმე, მაგრამ არა ნაკლებ საოცარია, რომ თვითველ ასეთ „ისტორიკოსის“ პირველი სიტყვა ჩვენის შეურაცხყოფით იწყება! მაგრამ შევეხოთ გაკვრით მის დებულებათ, ვინაიდან სერიოზული კამათი მასთან მხოლოდ საბრალმდებლო სკამზე უნდა მოხდეს, თუ რომ მართლა ქართველები ვართ. დავყვით თავიდან:

ბ—მა სპილიოტიმ ჩვენი status praisens-ი დაახასიათა როგორც „პირვანდელ წყვდიადის შემეცნება“. უნდა შევნიშნოთ, რომ დღევანდელ სკოლების უქონლობა „ამ პირვანდელ წყვდიადის“ მიზეზითაა გამოწვეული: თუ რომ ფიზიკური სინათლე საოცარის სისწრაფით ედება მთელს ქვეყნიერებას, სამაგიეროდ გონებრივ მოძრაობის ნათელი მეტისმეტად მძიმედ მიდისო“, —აჰის საილუსტრაციოდ მოჰყავს ჩვენი სამშობლო. მართალია, მან უწყის, რომ „ასის წლის წინად, ესე-იგი, შეერთებამდე, ქართველებს „ჰქონდათ დაბალი და საშუალო სასწავლებლები, თვით უნივერსიტეტებიც კი“ — მართო ეს ფაქტიც პირუთვნელ ისტორიკოსისთვის საკმარისი უნდა ყოფილიყო რომ „პირვანდელ წყვდიადის“ მეუფება შეუძლებელი იქნებოდა, — მაგრამ სპილიოტის ქამანღური რეპლიკებიც სწორედ იმიტომ არის ჩართული, რომ ამ სასწავლებელთა მნიშვნელობა დაამციროს და მკითხველთა შორის თავის დებულებას ბაზარი მ-უპოვოს: ჰო, იყო სასწავლებლები თუმცა „немногочисленные“, ჰქონდათ უნივერსიტეტები, თუმცა „неважные“. თავის ქება არაფრად ჰღირსო, ამბობენ, მაგრამ როდესაც გაიძულებენ ისევ „თქმა სჯობს არა თქმასა“. იმ ხანაში, რომელსაც ბ—ნი სპილიოტი იღებს, ვგონებ, რუსეთის სასწავლებლები ვერ გაუსწრობდნენ ჩვენსას. უმნიშვნელო იყო თუ არა, ჩვენმა სასწავლებლებმა შეინახეს და გადმოგვცეს სამშობლო ენა, ტრადიციები! „პირვანდელ წყვდიადის მეუფება“ შეუძლებელი იყო იმ ქვეყანაში, რომლის სკოლები იძლეოდნენ დავით გურამიშვილებს, ბესიკებს, ალექსანდრე ქავჭავაძეებს, გრიგოლ ორბელიანებს და სხვათა; პირვანდელ წყვდიადის მეუფება შეუძლებელი იყო იმ ქვეყანაში, რომლის სკოლები ზრდიდნენ საუკეთესო მეტყველთ, მქადაგებელთ, ვინც მოგვცა ანტონ კათოლიკოზი,

დიდებული მეცნიერ-გეოგრაფი ბატონიშვილი ვახუშტი, რომელმაც თვით რუსთა-მეცნიერების წინსვლას არა ნაკლებ შეუწყო ხელი, ვიდრე თვით რუსებმა; „პირვანდელ წყვდიადის მეუფება“ შეუძლებელი იყო იმ ქვეყანაში, ვინც შესძლო სულმნათ გაბრიელ ეპისკოპოზის წარმოშობა, რომლის ქადაგებანი ეხლაც ანცვიფრებენ ადამიანს თავიანთ უძირო ზღვა ფილოსოფიური მსოფლ-მხედველობით და რომლის შედგენილი ლოლიკა, თუ არა ვცდები, პირველი სახელმძღვანელო იყო მთელს რუსეთის იმპერიაში დასასრულს „პირვანდელი წყვდიადის მეუფება“ შეუძლებელი იყო იმ ქვეყანაში, სადაც გატაცებით სწავლობდნენ რიტორიკოს, ფილოსოფიას, ღვთისმეტყველებას, გრამატიკას, გეოგრაფიას და სხვას, რომლის ზედგავლენის ნაშთებს ეხლაც კი ნახავთ. არა გჯერათ? გაისაჯეთ, ბატონებო, ერთხელ ჩამოიარეთ ძველი ოჯახები. თქვენ ნახავთ ისევ ძველ ხელ-ნაწერ კარაბაღინებს, რომელნიც დიპლომიან ექიმებზე მეტს სამსახურს უწევენ მათ; გაისაჯეთ და შეიხედეთ თუნდა თბილისის პატარა დუქან-მაღაზიებში, თქვენ ნახავთ დავთრებს (თვით სომეხ ვაქართა ხელშიაც კი) ისევ ქართულად ნაწერს; გაისაჯეთ და ნახეთ სოფლებში, მოსაზღვრე მეზობელი ერებიც კი (როგორც მაგ. ოსები) ისევ ჩვენს წონას ხმარობენ (ლიტრა, კოდი, ადლი და სხვა), ჩვენი თვლა... მაგრამ რა საჭიროა ჩამოთვალო? ეს ისევ ძველი „პირვანდელ წყვდიადით“ მოცულ სამეუფეოს ნაშთები გახლავთ და არა „ახალი სიტყვა“ ახლად შემოტანილი სინათლისა, რომელიც რუსულ ფარაჯის მთრეველა გლეხ-კაცობისაგან უნდა მოითხოვოთ, რომელთაც აღარც რუსული იციან, არც ქართული „შენში ან სოვისტი არ არის ან სვინდისიო“, გეუბნებიან! მაშ სად არის ისტორიული სინამდვილის მარცვალი, რომელზედაც ბ—ნი სპილიოტი ემყარება?

ერთად ერთი დიდი არგუმენტი, რომლითაც ხელმძღვანელობს ბ—ნი სპილიოტი, გახლავთ პაველ დიმიტრიჩ ციციანოვის (და არა პავლე დიმიტრის ძე ციციშვილის) ავტორიტეტობა, რომელიც ერთი „საუკეთესო შვილი იყო საქართველოსი-“ო (ნეტავი რა მხრია?). რომ უფრო ჰოპულიარული ჰყოს პაველ დიმიტრიჩის სახელი, სპილიოტი თამამად ადასტურებს, რომ თვითონ ციციანოვი „ქართველთა სისხლის ნათესაობას უარს არ ჰყოფდა, თუმცა ამტკიცებდა, რომ სული რუსული მიდგაო“, მართლაც ეს უკანასკნელი ფრაზა პაველ დიმიტრიჩის ყოველ-დღიური და საყვარელი ფრაზა

იყო, რომლითაც ამ რიგად მოსწონდა თავი. ცხადია, რომ ასეთს ადამიანის ავტორიტეტობა ან მეცნიერული სიბეცე უნდა იყოს, ან და შარლატნობა, სხვაფრივ შეუძლებელია! ადამიანი, რომელიც თვის თავს შეურაცხყოფილად სთვლიდა, რომ ის ქართველად დაბადებულა, ადამიანი, რომელსაც ქართულად დალაპარაკება ეჯავრებოდა და დღესაც ისტორიულ გამოცანას შეადგენს, იცოდა მან ქართული ენა თუ არა?*) აი ეს ადამიანი მის თვალში ავტორიტეტი! არა, ბნმა სპილიოტიმაც კარგად იცის, რომ მეცნიერება მზგავსს ავტორიტეტებს არა თუ სკვბტიკურად უყურებს, საგსებითაც უარჰყოფს. ეს იცის ბნმა სპილიოტიმ, იცის, მაგრამ რატომღაც მისი ავტორიტეტობა დასქირდა, მას უფრო უჯერებს, ვიდრე ანტონ კათოლიკოზს, რომლის გაძევებას საქართველოს საზღვრებიდან არა ნაკლები ნიადაგი მოუშადა თვით ჩვენმა „თავგანწირულმა მაშლიშვილმა“, ხსენებულმა პაველ დიმიტრიშმა. მაგრამ აი სპილიოტის ერუდიცია ფაქტების ანალიზის დროს:

„ჯერ კიდევ ენორრინგი, რომელიც თავ. ციციანოვამდე კავკასიის მთავარ მართებლად იყო დანიშნული (1801 წ.) კათოლიკოზ ანტონს შეეკითხა: სასულიერო წოდებისთვის გაქვთ თუ არა ეპარქიებში სასწავლებლები, და თუ გაქვთ, სადა, რას ასწავლიან, ანუ ვისი ხარჯით“. კათოლიკოზმა ამაზედ უპასუხა: „ქართლისა და კახეთის ყოველ ეპარქიაში ბავშვებს ასწავლიან წერა-კითხვასა და გალობას; მოწაფეებს მშობლები ინახავენ. ნეტარ ხსენებულ ირაკლი II ის დროს კი თბილისში და თელავში გვქონდა სემინარიები, სადაც ასწავლიდნენ გრამატიკას, რეტორიკას, ფილოსოფიას და ღვთისმეტყველებას, ხარჯს სულ თვითონ მეფე იღებდა“ (აქ. 1, 531). პასუხი მეტად სამწუხაროა, — განაგრძობს ბ-ნი სპილიოტი, — რომელიც უფრო სამწუხაროდ გვეჩვენება, თუ რომ ინალიზს მოვახდენთ და დავხედავთ, თუ რა იმალება ბანზე ავდებული სიტყვების იქით“, შემდეგ ამბობს: „რა თქმა უნდა, სემინარია ჰქონდათ, როდესაც... *Fuit quondam Troja!*.. და სხვა.

რომ მართლა, „სამწუხარო პასუხი“ გასცა კათოლიკოზმა, აქ მართალია ბ-ნი სპილიოტი: სამწუხაროა ჩვენთვის, რომ აყვავებული სასწავლე-

ბელნი გამოგვეცალნენ ხელიდან, მხოლოდ არა ნაკლებ სამწუხაროა სპილიოტისთანა „ისტორიკოსებისთვის“, რადგან ყირაზე აყენებს მათს ღვარძლიან დებულებას „პირვანდელ წყვდიადის“ შესახებ. ამ დიდმნიშვნელოვან პასუხის გასაბათილებლად სპილიოტი სცდილობს, შორეულ წარსულ ხანაში გადაიტანოს იგი „ტროიის არსებობისას“, თუმცა მან იცის, რომ მეფე ერეკლე იყე შორს არა სდგას აღებულ ეპოქიდან. და... მამაა, ღვიძლი მამა კათოლიკოზ ანტონისა. ნუ თუ მეფე ერეკლეს ხანა არ გახლავთ ის უღელტეხილი, როდესაც „გადასწყდა ბედი ქართლისა“ და ჩრდილოელთა სუვერენიტეტობის ქვეშ შეაჯარა თავი: ან და რა საკადრისია მეცნიერ ადამიანისთვის ვოსტორგოვისთანა აკრობატობის აყოლება და კულგარულ ფრაზის განმეორება: „*правда это было при царѣ Ираклиі II, а не при царѣ Грохѣ!*“, რას ნიშნავს ასეთი შეურაცხყოფა, ასეთი უსინიდილო ქამანდები, ასეთი თავის აგდება?..

ბ-ნი სპილიოტი თავის პილოტობას არ იშლის საუცხოვო სიბეცის სისტემის ამენებულ ჰაერობლიანთ და „პირვანდელ წყვდიადის მეუფების“ დასახსიათებლად ერთხელ კიდევ ემყარება პაველ დიმიტრიშ ციციანოვის მოხსენებაზე, რომ ქართველთა ვად-აზნაურობის უმეტეს ნაწილმა სამშობლო ენაც კი არ იცის ხეირიანად... ქართულ ეკლესიებში გალობა თხების კიკინს წარმოადგენს... ქართველებს არც ერთი სტამბა არ ჰქონიათ: „...და სხვა და სხვა. თუ რამ შეაფერხა სწავლა განათლების საქმე ჩვენში, რა იყო მიზეზი, ამას, სპილიოტის აზრით, *status praesens*-ისთვის არავითარი მნიშვნელობა არა აქვს (ეს, ვგონებ, რომ პილოტთა ახალი მეთოდი უნდა იყოს და არა ისტორიკოსების!) მაგრამ დავთანხმდეთ და ნუ მივიღებთ მხედველობაში იმ ანორმალურს მდგომარეობას, რომელშიაც საქართველო ჩააყენა გარეშემოსეულმა მიზეზებმა. პირველი რწმუნება, რომ ჩვენმა თავად-აზნაურთა უმეტეს ნაწილმა ქართულად არა თუ წერა-კითხვა, ლაპარაკიც კი არ იცოდნო, ეს სიცრუეა, რადგან თვით პაველ დიმიტრიშ ძეს ღრმა ცოდნა ქართული ენისა პრობლემად არის დარჩენილი, მეორეც, თუნდაც მართალი იყოს, ეს კიდევ არა ნიშნავს, რომ „წყვდიადის სრული მეუფება“ ყოფილიყო! იმ დროს ჩვენზე არა თუ ჩვენი მოკავშირე რუსები, არამედ დიდ განათლებულ სახელმწიფოთა წარმომადგენელნიც კი კოჭლობდნენ. ენის კარგა ცოდნაში. ამით ისტორია არავინ და-

*) იხ. სხვათაშორის ძვირფასი მასალები ამ საკითხის შესახებ ალ. ფრონელის ისტორიულ საუცხოვო კვლევაში „მთიულეთი“.

უმარხია, როგორც არა მარხავენ თვით პეტრე დიდს, განმანათლებელს, რომელმაც რუსული გრამატიკის უცოდინარობით ანეკდოტების გავრცელებას შეუწყო ხელი მთელს რუსეთში. რაც შეეხება ჩვენს საეკლესიო ვალობას, ეხლაც იმავე მდგომარეობაშია ჯერ ჩვენ არც ბორტნიანსკები გვყვანან, არც ჩაიკოვსკები, რომ გაემშვენეირებინათ. ვგონებ ჩვენი სადა ვალობა უფრო სასობაზე მოიყვანს თვით ურწმუნოსაც კი, ვიდრე იტალიანური ჰარმონიით შეზავებული სლავიანური ვალობა! უკანასკნელი ფაქტი, რომ ჩვენ სტამბა არა გვქონია, ეს ისევ მეცნიერული სიბრძნეა: ქართველ ერს ორი თუ სამი სტამბა ჰქონდა უკვე მე-17 საუკუნიდან! ალა-მაჰად ხანის ბარბაროსმა ხელმა შეჰპყრო იგი და აი, ამ ნანგრევებზე შეჩერებული ვიყავით, როდესაც ერეკლემ თვალი მიაკყო ჩრდილოეთის არწივის მფარველობის ქვეშ შეხიზნებას! ნუთუ ეს ფაქტი საგულისხმო არ უნდა იყოს? ნუთუ ეს ნიშანია „პირვანდელ წყვილადის მეუფებისა?“ მაშ როგორ ავხსნათ სპილიოტის გამოხვლა, თუ არა მეცნიერული სიბეცით, ანუ შარლატნობით? რამ გამოიწვია მისი „ისტორიკოსობა“ რომ დიოგენის ფარნით დაჰფათურობს ჩვენს წარსულში? ობიექტივობით მოაქვს თავი და საშინელ ტენდენციებით სთხზავს იმას, რაც არ ყოფილა და რაც ყოფილა, იმას ხელს აფარებს. ეგ რომ მართლა პატრიოსანი მკვლევარი ყოფილიყო, დაინახავდა, რომ ჩვენი „ჩამორჩენა“, თუ კი ვისმე ჩამოვრჩით*), აიხსნება ჩვენი პოლიტიკური მდგომარეობით. აი, ამ მხრით რომ შეეხედნა, დაინახავდა თავის კოლეგას (რედაქციის მხრით) ბ-ნ ხ. სამუელის შეხედულობის სინამდვილეს, რომელიც კავკასიის მასსიურ გაუნათლებლობას ამ პოლიტიკურ მდგომარეობით ჰხსნის, იმავე „КАВКАЗСКИЙ ШКОЛ“-ს ფურცლებზე, სადაც თვითონ იღებს მონაწილეობას. მაგრამ აი მისი სიტყვებით: „სამწუხაროდ, ადგილობრივ მმართველებს ყოველთვის არ ესმოდათ თავიანთი კულტურული მისია. უკანასკნელ დრომდე, თვით გრაფ ვორონცოვ-დაშკოვის მთავარ მართებლობამდე შკოლებს და ხალხოსნურ განათლებას უყურებდნენ არა როგორც გონებრივი და ზნეობრივი თვალსაზრისის ასამალლებელს, არამედ პოლიციუ-

რი თვალსაზრისით, სადაც სასწავლებლები გასარუსებელ იარაღად გამოიყენეს“ და სხვა (იხ. Кавказская школа № 1, 8 стр. за 1913 г.).

მაგრამ ვიდრე წერტილს დავსვამდე, ერთს ფაქტსაც ვაგახსენებთ: იმავე სტატიაში ბ-ნი სპილიოტი კანდიერდება და წმ. ნინოს ლეგენდარულ პიროვნებადა სთვლის. ნეტავი ვიცოდე, რომელი იურიდიული უფლებით? იცის, რომ ათეიზმს არ აქადაგებინებენ სასწავლებელში, თუნდა მეცნიერულად ამტკიცებდეს? თუ რომ ჟურნალი სკოლის საკითხებს არკვევს მაშინ რა ადგილი აქვს ამგვარ ფრაზებს?

როგორც ვხედავთ, ქართველებს ბედი არ გვიღიმის. ირგვლივ უარის ყოფა და შეგინება. თვითონ ჩვენვე ნიადაგი მოვამზადებთ, რომ ასე ქამასოკოსავით გვიჩნდებიან სპილიოტისთანა „ისტორიკოსები“. არავინ უწყის, რომელ „კულტურულ მისიით აღტურვილან ეს „მოციქულნი“ ესლაა რომ მათს მოქმედებას აძევს იანუსის ელფერი, რომელსაც არ იცის რა უწოდოს ადამიანმა: მეცნიერული სიბეცე თუ შარლატნობა?

ქართლელი

უკანასკნელი ამბები

მეფის მოადგილის ავადმყოფობა

უკანასკნელ დროს მეფის მოადგილე ავად იყო, მაგრამ ეხლა უკეთ არის. გამოწვეული იყო ლიბეკიმი პეტერბურგიდან. როგორც ამბობენ, გრაფ ვორონცოვ-დაშკოვი მიბრძანდება ბათოში.

კახეთის რკინის გზა

როგორც გავიგეთ, ქართველ თავ-აზნ. დეპუტაციას მიუღწევია საწადელისათვის და კახეთის და სიღნაღ-ბაქოს გზის განცალკევება მოუხერხებიათ.

დეპუტატთა საკრებულომ გადასწყვიტა იმ თანხიდან, რომელიც ყოველწლივ გადიდება ხოლმე

* ქართველებს არაფერი დაეყვედრებათ. რამდენადაც შესაძლებელი იყო მიეღოთ უმაღლესი სწავლა განათლება კიდევ მიიღეს და სამაგიეროს უზღიან ისეთი სასიკაუდლო პროფესორებით, როგორც არიან თარხნიშვილი, პეტრიაშვილი, ცაგარელი, მელიქიშვილი, ხახანაშვილი და სხ.

ხელოვნების და მეცნიერების სარბიელზე გამოჩენილ ახალგაზრდათა დასახმარებლად—წრელს გადილო 2,450 მან.—მიეცეს 800 მან. შანშიაშვილს. და-ნარჩენი 1550 მან. შესახებ სიტყვა-კაზმულ მწერ-ლობის სასაზოგადოებას დაევალა პროექტის შემუშა-ვება, თუ ვის მიეცეს. ამ რიგად მთელი თანხა ეძლევა პოეტებს. ღმერთმა მშვიდობა მისცეთ, მაგრამ პოეტებისაგან კბილები გვაქვს დაქრილი და ეხლა ქველმოქმედებითაც უნდა ხელი შეუწყოთ მათს გამრავლებას. ამ საკითხზე ცალკე წერილი გვექნება.

საადგილ-მამულო კომისია შეუდგა ახლო პროექტის შემუშავებას, რომლის მიზანი იქნება სასოფლო-სამეურნეო და ექსტრაორდინალურ თან-ხათა სესხად გაცემის მოწესრიგება.

საადგილ-მამულო კომისიას პრინციპილურად გადაუწყვეტია—მიეცეს საგარეჯოს საზოგადოებას 20000 მანეთი, სასმელი და სარწყავი წყალსადენის გამოსაყვანად. ამ წყალსადენიდან მილი იქნება გაყვანილი აგრეთვე კახ. რკ. გზაზედ, რომელსაც მთელ სივრცეზედ არა ჰქონია ადვილად და იაფად შესაძენი წყალი.

მამულების გაყიდვა

უკანასკნელ დროს რუსის სხვა და სხვა კომ-პანიები ენერგიულად ჰყიდულობენ მამულებს თბი-ლისის ქართულ სათავად-აზნაურო ბანკისაგან. სხვა-თა შორის კიდევ შეუსყიდნიათ:

ქართლში - სურამის ახლო აგარაკ ცედანში აბაზაძეებისსეული 2 მამული, სივრცით 1155 **დეხეტინა**.

ჯრიაში;—ერისთავებისსეული მამული, სივრ-ცით 1580.

თიანეთის მაზრაში, სოფ. მატანის ახლო შეი-სყიდეს 1003 **დეხეტინა ტყე**.

ქართ. სასოფ. -სამეურ. საზოგადოება ამჟამად შეუდგა მთელი თავის მოქმედების ანგარიშის შედ-გენას საზოგადო კრებისათვის წარსადგენათ, რომე-ლიც დანიშნულია 25 მარტს.

არამიანცის თავგასულობა

ერთ დროს დიდი მითქმა-მოთქმა გამოიწვია იმ დავამ. რომელიც გამოუცხადეს ვერის გლეხებს იქაურმა ვითომ მემამულეებმა, ცაბაძემ და მეღვინო-ვმა. როგორც ვიცით, სამედიატორო სამართლიდან დაწყებული, შემდეგ ყველა ინსტანციებმა ეს ადგი-ლი აკუთვნეს ვერელ გლეხებს და მათთვის განმზა-დებული აყრა აოხრება შეაჩერეს.

თუ არა ვცდები, ქალაქი ედავებოდა ამ მი-წებს, მაგრამ წააგო საქმე. ეხლა, როგორც გაზეთე-ბი გადმოგვცემენ, ცაბაძეს და მეღვინოვს (ოუხერ-ხებიათ (?)) ამ მამულის გაყიდვა არამიანცზე, რო-მელიც შესდგომია ვერელი მკვიდრების აყრას. ვე-რელებს თხოვნით მიუმართავთ მეფის მოადგილე-სათვის.

სახელმწიფო სათათბ-როში


27 თებერვლის სხდომაზე სახელმწიფო სათათ-ბიროში, სხვათა შორის განხ-ლული იყო კანონ-პროექტი კავკასიურ პოლიციის რეფორმისა. ჯაფ-როვმა დაასაბუთა საჭიროება გაძლიერებულ პოლი-ციის გადაგდებისა და მისი რეფორმისა თვით რე-ვიზორ სენატორის სიტყვით და იმ უსამართლობის მაგალითებით, რომელიც ხდება კავკასიაში.

„ს. დ. ჩხეიძე, თავ-ს მხრივ, ამბობს „რუს. ველომოსტი“, — ლაპარაკობს კანონ-პროექტის წი-ნააღმდეგ: გრ. ვორონცოვ-დაშკოვი (ამბობს ჩხეი-ძე) ითვლება უუღიბერალებს ადმინისტრატორად რუსეთში. ამას დაეთანხმებიან მემარჯვენენიც („*КОМИ-ПИСТУ*“ ჰყვირიან მემარჯვენენი). როცა კავკასიაში მო-ვიდა, ქვეყანას აცნობა, რომ მისი დანიშნულებაა „აზიაროს“ ეს გ. ნაპირა ადგილი რუსულს კულტურას და ბევრს რასმე დაჰპირდა. მაგრამ დაპირებანი და-პირებად დარჩა. საქმით კი მარტო წამოყენებული კანონ-პროექტი გვაქვს მხოლოდ, და მთელი ლიბე-რალიზმი გრ. ვარანცოვ-დაშკოვისა იმაში გამოიხა-ტა რომ თბილისის დაადო საპოლიციო ხარჯი 200,000 მან.“ ჩხეიძე ფრაქციის სახელით ითხოვს, სრულებით უარჰყონ ეს კანონ-პროექტი. ამის და მიუხედავად ღუმის უმეტესობა მუხლობრივ განი-ხილავს პროექტს და იღებს მას ოქტომბრისტ ბენი-გსენის შესწორებით. რომლითაც მაგ. ქალაქ თბი-ლისის გადახდება საპოლიციოთ წელიწადში 216, 620 მ. მაგიერ—მხოლოდ 108,310 მან.

ეს მოვიყვანეთ იმის სანიმუშოდ თუ როგორ იცავენ ს. დ. დეპუტატები „ადგილობრივ ინტერესებს“. ჩვენ გვახსოვს, არჩევნების დროს ჩხეიძე ამბობდა: ადგილობრივ ინტერესებს ჩვენ ყოველთვის ვიცავთო. ფაქტიურად კი ვინმე ბენიგსენის მადლობელი უნდა ვიყვნეთ, რომ თბილისს 100,000 მ. მეტი ხარჯი შემოაკლდა და კიდევ ჯაფაროვისა,

რომელიც ამტკიცებდა ჩვენი პოლიციის ფაქტიურ უვარგისობას. ჩხეიძე კი, როგორც ყოველთვის, ყველაფერს უარჰყოფს; ეხლა გრ. ვარანცოვის ლიბერალიზმზე ლაპარაკობს, პოლიციის მაგიერ და რეალური გაუმჯობესება კი არაფერი მოსდევს მის „ტკბილ სიტყვებს.“

ირაკლი ჯაბადარი



უკანასკნელი დროის სურათი

ირაკლი ჯაბადარის შესახებ, რომლის სურათებს ვბეჭდავთ დღევანდელ ნომერში, მოგვივიდა ჯერჯერობით ერთი რეცენზია, გაზეთ Fremden Bratt-ში მოთავსებული:

შემთხვევა მოგვეცა ფრიად ნიჭიერი პიანის-

ტის ბ-ნ ირაკლი ჯაბადარის გაცნობისა, რომელმაც დასდგა კონცერტი დიდ Musikvereinsal-ში ორკესტრით. ლოტბარობდა ორკესტრის ნეიბალსი.

გრიგის a-moll და შოპენის e-moll კონცერ-

ტების შესრულება ყურადღებას იქცევდა სა-
ოცარის ტენიკით, მშენებლის გარდმოცემით
და ხმათა სილამაზით, რომელნიც ნამეტანი სი-
ნაზით გადადიოდნენ პიანოში.

საკუთარ თხზულებათა რაფსოდიაში, რომელ-
შიაც ფრიად სხარტულად გადმოცემულია
ქართული ეროვნული მელოდიები, დაგვიან-
ტერესა მოტივების თავისებურობით და გონი-
ერი თავდაქერილობით საორკესტრო ეფექტე-
ბის შექმნაში. ეჭვი არ არის, რომ ახალგაზ-
რდა პიანისტი მოიხვეჭს სახელს.

სამწუხაროდ ამ ამბავთან ერთად, ირაკლი
ჯაბადარის ავადმყოფის ამბავიც მოგვივიდა. ამ ცოტა
ხანში ჯაბადარი აპირობს ჩამოსვლას თბილისში.



ირაკლი ჯაბადარი 1907 წ.

ოთხშაბათს, 6 მარტს, სახალხო სახლში გაი-
მართა რეჟისორ წუწუნავას ბენეფისი. წარმოდგენი-
ლი იყო რამდენიმე სურათი-ნაწყვეტი სხვა და სხვა
პიესიდან: „შეშლილები“ — ტრ. რამიშვილისა, პ.
ირეთელის „სოფლის გამირებიდან“ სცენა სადგურ-

ზე და „რომელი ერთი“, თარგმანი ფრანგულით ქა-
რელისა.

რეჟისორის მთელი ყურადღება, ეტყობა, მიქ-
ცეული იყო მიზ-ან-სცენებზედ და „მასიურ სცენე-
ბზედ“, რასაც განსაკუთრებით ყურადღებას აქცევენ
მოსკოვის სამხატვრო თეატრში. ამ მხრივ წუწუნა-
ვას ბენეფისი თითქმის უნაკლო იყო, მაგრამ შინა-
არსით მეტად უფერული. ხალხი ბლომად დაესწრო
და დიდის სიხარულით და აღტაცებით მიეგება ბე-
ნეფიციაანტს. მიერთვა საჩუქრებიც.

საბერძნეთის მეფის მოკვლა

საბერძნეთის მეფე გეორგ I, როგორც ვაზე-
თები იუწყებიან, მოუკლავს სალონიკში ისევ ბერ-
ძენს—ალექსანდრე სხინასს. გეორგ I იყო ძმა იმ-
პერატრიცა მარიამ თეოდორეს ასულისა და ცო-
ლად ჰყავდა რომანოვების საგვარეულოს ქალი
ოლდა კონსტანტინეს ასული, შვილი-შვილი ნიკო-
ლოზ I-სა აღ. სხინასი, ამბობენ, სულით ავად-
მყოფია, თუმცა თვითონ განუცხადებია—სოციალის-
ტი ვარო.

მიმქრადლი სულის ადსარება

* *
*

...მერე რა მოხდა? როგორ დავხვდი შემდეგ-
ში სწავლას? ჰო, მახსოვს, მახსოვს... სამი თვის
უკან ფაკულტეტი გამოვიცვალე: არ მაკმაყოფილე-
ბდა მშრალი ფილოსოფია, ლიტერატურა: ეს ხომ
დასვენების ღროს უნდა იკითხოხს ადამიანმა: წამო-
წვეს არხეინად ტახტზე და იფილოსოფოს, ესე-იგი,
წყალი ნაყოს. გეფიცებით, რომ არასფერს დაჰკარ-
გავს თუ ამღროს იგი ქერში იყურება და ბუზებსა
სთვლის ნეტარ ხსენებულ ლუარსაბ თათქირიძე-
სავით. რაო გიკვირთ? რატომ? მაგრამ მესმის! თქვენ
ხომ კარგად არ იცით, თუ რა არის ფილოსოფია!
ამის გაგონებაზე გაგახსენდეთ ელლადა, პლატონი,
არისტოტელი... აბა რა საჭიროა ასე შორს გაქცე-
ვა. მერწმუნეთ, რომ ფილოსოფია მხოლოდ უხეში
ტვინის ფირფიტის ტრიალია და მეტი არაფერი.

სულ სხვა მათემატიკა. ამაზე შენდება მთელი მსოფლიოს ბედ-იღბალი. კოსმოსი რითმით მოხლართული ჰარმონიაა, რომელიც მათემატიკას შეუქმნია. ჰო და რა, მოკვდება თქვენი არისტოტელი, მოკვდება კანტი, ჰეგელი, თან გაჰყვებიან შექსპირი, გიოტე, დანტე, რუსთაველი, დარჩება ევკლიდი, არხიმელი, მორზე, ედისონი... მათემატიკა ინაცვალეbs თქვენს დიდ ზოლასაც... ხა-ხა-ხა! ვინ არის ზოლა? ან ვინ არის ოკტავ მირბო, ანატოლ ფრანსი, ტოლსტოი? რა ანგარიშში ჩასაგდება ჰაქვაძე, აკაკი, ანუ გველის ჰამიას ავტორი ჩვენს ფრიალოთა არწივი ვაჟა-ფშაველა? დამეთანხმეთ, რომ ყველა ესენი მხოლოდ ჩვენ მიერ ამოქრილი ოქროს სახელებია, რომელთაც დღეს არა, ხვალ მაინც დროის სასტიკი ქარი გასკვეთს და მათს წაშლილს ალაგას ახლა სხვის სახელს წააწერეს. მაშასადამე, გაუმარჯოს მათემატიკას. და...

მეც ფიზიკა-მათემატიკი ვხდები!..

* *
*

...რა სისულელეა, ღმერთო ჩემო, რა სისულელე! დღეს მივხვდი ამას! ან როგორ ვერ წარმოვიდგინე, თუ რა სისულელეს ჩავდიოდი! განა შეუძლიან მეჩქმეს, რომ მეთონეობა დაიწყოს? ან საიდან მომივიდა აზრად მათემატიკოსობა, როდესაც არც პაპას, არც მამას მისი ნიჭი არა ჰქონია! საზოგადოთ ხომ ქართველობის ხელობა იგი არასოდეს არა ყოფილა, მით უმეტეს ჩემთვის, რომლისათვისაც ჯერ კიდევ გიმნაზიის სკამზე თავს ვიმტვრევდი, სხვას ვაკეთებინებდი ამოცანებს და გაზეპირებული ფორმულებით ისე დავწერდი კედლის დაფაზე, რომ თვითონაც არ მესმოდა, თუ რას ვხაზავდი. მაგრამ ამ შეცდომის გასწორება ხომ სულ ადვილად შეიძლება. ბევრი-ბევრი ნახევარი წელიწადი მაქვს დაკარგული, ამას საზაფხულოდ ავინახლაურებ და არც ერთს სემესტრს არ დავკარგავ. მე ვიქნები შესანიშნავი ბუნების მეტყველი! მაგრამ არ იფიქროთ, რომ ამ ერთს ნაწილს შევალთ ჩემი ძალ-ღონე, არა! ერთსა და იმავე დროს მსურს ხუთს ფრონტზე ვიბრძოლო: ვიყო სოციოლოგი, დოქტორი პოლიტიკური ეკონომიისა, ჰო, იურისტი, ექიმი და .. შესაძლებელია, ინჟინერიც!

ხა-ხა-ხა! მეც კი მეცინება ამის გახსენებაზე! უყურეთ, რა კორიანტელი აუყენო ბატისტინა უკანტროლო პუბლიცისტებს, რომელთაც ჩვენი

ცხოვრების სადავეები რაღაცაა მანქანებით ხელთ ჩაუგდიათ! ჩამსხდარან სარედაქციო კაბინეტებში და თხის თავებზე ლოკულობენ. დამაცადონ, დაპაცადონ, მე ვუჩვენებ ყველას სიერსა?..

* *
*

...შემდეგ?

ახ, ტინი... რა რიგად მიშლის მოგონებას ეს სატილო ნერვების სისუსტე... უცბად ისე ამომხეთქავს ხოლმე თავში, თითქოს ვილაცას კეტი დაერტყას ჩემთვის და გავებრუებინე...

ჰო, შემდეგ?

შემდეგ არ მახსოვს, ვგონებ მართლა ყველა ფაკულტეტები შემოვისიერნე, მაგრამ ვერც ერთს ვერ დავუღე გული. რატომ? ნუთუ ნიჭი არ მქონდა? ნუთუ სწავლის წყურვილი გამიქრა? მერე ჩემი ბეჯითობის უნარი, უნარი, რომელიც ყველა მნახველში ერთს გაოცებას იწვევდა, სადღაა მეთქი, სად დაიკარგა?

აბა რა ვიცი, ეს ჩემთვისაც უცნაურია. მხოლოდ ეს კია, რომ მე ვერსად ვერაფერს ვახვდი. ვინ იცის, იქნებ სასოწარკვეთილებამ დინაც მივსულიყავი, რომ ერთს გარემოებას არ ვადავერჩინე. თურმე ნუ ბრძანებთ, ენის უცოდინარობა ყოფილა ყველაფრის მიზეზი. მე კი ჩემს უნიკობას ვაწერდი.

აჰ, რაზე მივხვდი ასე გვიან? რა დამემართა!..

* *
*

...ამ შეგნებამდე პირველად დორამ მიმიყვანა. დორა ებრაელი ქალია, საექიმო ნაწილზეა იმავე სორბონაში, სადაც მე ვსწავლობ. დიდი ხანია, რაც გავეცანით ერთი-ერთმანეთს. ჯერ კიდევ იურიდიულ ფაკულტეტზე ვიყავ, როცა თვალი შემასწრო.

თქვენ უცხოელი ბრძანდებით?

— დიახ, m-selle!

— უმკვლელოა, რუსი...

— ჰო... არა... ესე-იგი ქართველი გახლავართ.

გახხარდა. ხელს მაძლევს.

— ქართველი?

— დიახ.

— ღმერთო ჩემო, რა კარგია! მეც ვიცნობდი რამდენიმე ქართველ სტუდენტს, ყველანი ისეთი კარგები იყვნენ... მე კიდევ პოლონელი გახლავართ...

მე ვწითლდებოდი, პირველი იყო ჩემს სტუდენტობის ხანაში ქალთან ასეთი გამოლაპარაკება. ამიტომ იყო, რომ სრულებით არ ვიცოდი ამ უცნაურ გოგოს ჩემგან რა უნდოდა.

...ამ პირველივე აცნობის შემდეგ ჩვენ სამი დღის შემდეგ კიდევ შევხვდით ერთმანეთს, ისევ სორბონაში. ის-ის იყო, ლექცია გაეთავებინა პროფესორს და შინ წასასვლელად ემზადებოდა. გამოველით თუ არა, გავყეთ ერთმანეთს და ვერც კი შევნიშნეთ თუ როგორ შეველით ლიუქსემბურგის ბაღში.

სალამომდინ ერთად ვიყავით. შემდეგ ნასიამოვნები დავეშორდით. გვინდოდა, იქვე პასკალის ყავახანაში შევსულიყავით, სადაც ჩვეულებრივ სტუდენტობა იყრიდა თავსა, მაგრამ ეს სურვილი მხოლოდ კვირა საღამოს განვახორციელებთ. ამის შემდეგ მეც და იმასაც თითქმის ავადმყოფობად გადაგვექცა სორბონიდან წასვლა... ხან სად და ხან სად, ტემა სალაპარაკოდ არ იყო ერთი, უფრო ნაწვეტებით გაიზომება ყოველი ჩვენი საუბარი. უმეტეს შემთხვევაში კი შეფასებაში ვიყავით, ლუერის მუზეუმის სილიაღზე, სადაც არა ერთხელ და ორჯელ შეგკამათებულვართ ჯიაკონდოს ჯადოსნურ ღიმილის დანიშნულებაზე და მილოსის ვენერს სიმშვენეირზე.

არ ვიცი რატომ, მას არ მოსწონდა ეს ხელოვნების გვირგვინი. დაიცინებდა და მარწმუნებდა, რომ თავისთავად ეგ ისეთს არასფერს წარმოადგენს, ოღონდ თუ ისევ დიდ ფასს ვდებთ, მხოლოდ იმიტომ, რომ ეს ათავამზურად გადმოგვეცა, წინდაწინვე დავვარწმუნეს მის სილიაღში და წინაღმდეგზე ფიქრიც კი შეუძლებლად მიგვაჩნიაო. ვერც ჩემი პასუხი იყო სახარბიელო. წარმოიდგინეთ, დორასთან ვიდრე მივიდოდი, სალაპარაკო თემა მომიხაზნია მშვენივრად, რომ უსათუოდ მისი ყურადღება დამემასუხებინა, მაგრამ იმასთან მისვლისას მიფრინდებოდა, სიტყვებს კიდევ აბდა-უბდად მადგებოდა ენაზე, რის გამოც ხშირად მისი დაცინვის საგანიც გავმხდარვარ, თუმცა ეს დაცინვა მეგობრულად მიმიღია და რატომღაც ერთგვარ ქათინაურებადა ჩამითვლია.

საზოგადოთ დორამ დიდი სიმპატია მოიხვეჭა

ჩუმში მის კეთილს გულს უნდა დაუმატოთ მისი საშინელი აქცენტით დაპარაკი, რომელსაც უფრო მეტი ყურადღება მივაქციე, ვიდრე მის სილაპაჟეს. ის ჩემზე ზრუნავს. დამარწმუნა, რომ ნაპოლეონის კოდექსის სწავლა ჩვენ, უცხოელთ, არაფრად გამოგვადგებაო. ჰო და რა, რა თავში სახლელად მინდა ნაპოლეონის კოდექსი, როდესაც ვახტანგ რჯულ-მდებელის კანონები ერთხელაც არ გადამიოთვლიე+ებია. გადაგვარებაც ასეთი უნდა! რომის უფლება ლათინურად და ნაპოლეონის კოდექსი... ეს რაღაც წარმოუდგენელია. დორა მართალია, ისევ ექიმობა სჯობს... და მეც მის გვერდით ამოვყავ თავი.

...დორს უხაროდა, რომ ეხლა თითქმის სულ ერთად შეგვძლებოდა ყოფნა. საანატომიო განყოფილებაში ცდის დროს ერთმანეთს ვებუმრებოდით, რა თქმა უნდა, რუსულ ენაზე, რის გამოც ფრანგ ამხანაგობის ყურადღება არა ერთხელ და ორჯელ მიგვიქცევია. მაგრამ რას ნიშნავს მათი შენიშვნები, როდესაც დორა უმანკოა, ცით-მოვლენილი ანგელოზი, რომელსაც ბიწიერების ქუქუკი არასოდეს არ მიეკარება.

ღმერთო, ასეთი ხალხით რომ აგვესო ქვეყნიერება, ნუ თუ კიდევ ბოროტებას სადმე ადგილი ექნებოდა?

* * *

...დორა მკვირვებს თავის გონების სიმკვირცხლით. იმ დღეს რეფერატს კითხულობდა. მთელი რუსის კოლონია დაესწრო, რა თქმა უნდა, ჩვენი თანამემამულენიც იყვნენ. ამათი რიცხვი ერთობ მცირე იყო, თუმცა არც ერთთან დამოკიდებულება არა მქონია: მეშინოდა, ვაი თუ სამეცნიერო მუშაობაში ხელი შემეშალონ და მომაცდინონ მეთქი. იმათ კი იცოდნენ ვინც ვიყავი, მაგრამ რაკი შემატყეს, რომ მათ შორის მე უცოდველ პაპის ადგილი მეჭირა, ჩამომშორდნენ, ასე რომ „ლათინთა უბანში“ ჩემი არსებობა თითქმის აღარც კი იცოდნენ. გაუკვირდათ. ცივად შორიდან მომესალმნენ, მაგრამ ახლოს არც ერთი მათგანი არ მოსულა. მეც წინა რიგში მოვექეცი და დორას მივაშტერდი.

ასე მეგონა, მის ბაგიდან სიტყვების ნაცვლად მარგალიტები სცივია მეთქი. პირველად მხოლოდ ეხლა მივაქციე ყურადღება იმის სილამაზეს: მადონა... ჯიოკონდა!..

არა, რა სულელი ვიყავ, რომ თვალს ვარიდებდი ამ მშვენიერს ქმნილებას?

* *
*

...რფეერატის შემდგომ დორას მიველოცე. სახლამდინ გაცილება მთხოვა. მეც სიამოვნებით დავთანხმდი. გზად მორცხვი ბავშვივით სიყვარული გამოვუცხადე. თავს მოვიკლავ მეთქი. დორამ კი ისტერიულად გადინახარა.

ნეტა რა აცინებდა? ნუ თუ სიყვარული ასეთი სასაცილო რამ არის?

* *
*

...მოახლოვდა ზაფხული. ყველა აგარაკად იხიზნება. დორას რჩევით მასთან ერთად მივალ ვილმობლში. ეს პატარა ქალაქი მართლაც მყუდრო გამოდგა. ვისაც უნარი აქვს შრომისა, უეჭველად ბევრს რამეს გააკეთებს. პანსიონის დაქვრავში დორაც დამეხმარა: პრაქტიკა მეტი გექნება, ფრანგულს გაივარჯიშებ და ორს დაკარგულს წელს აინაზღაურებო. მეც მიხარიან, მიხარიან იმიტომ, რომ მჯერა დორას კეთილი რჩევა კარგს ნაყოფს გამოიღებს. ესეც არ იყოს, ისიც ჩემს ახლოს დადგა, ასე რომ თუ პანსიონში მომეწყინა, ხელად შემიძლიან ჩავიბრინო და მასთან ერთად წავიდე სასიეროდ. განსაკუთრებით მარანას ნაპირებისკენ.

* *
*

...ღმერთო ჩემო, რა კარგია ეს ლაყვარდი მდინარე! ორიოდ ფრანკი მიეც მენავეს, ჩაჯექი შიგ და შენთვის წყნარად ისრიალე მის მშვიდს, აულელევებელს ტალღებზე, თანაც იმდერე, იხუმრე შენს მეგობართან, მერე ისეთს მეგობართან, როგორც დორა გამოდგა. მიუშვი ნავი თვის ნებაზე,

ნიჩბის მოსმა არც კი უნდა. თუ არა და დორას დაავალე მენავეობა. ის თავის გამოქანდაკებულ შიშველი ხელით მოსწევს ნიჩაბს. გრაციოზული რხევით ტალღას შემოჰკრავს ნახად სილას და თან გადიკისკისებს. და ამ ყოფაში წახვალ შორს, შორს, ვიდრე ლელით დაფარულ ნაპირებში თავს არ ამოჰყოფ. აქ კი დორას უნდა მიეხმარო, რომ ნავი შემოატრილო. ნავის გადმოქამება ინერციის ძალის შეჯახებით დორას გვერდითკენ გადმოაქანებს, ჩემს მუხლს ფერდით მოეჯახება, გადიკისკისებს მეც აგრეთვე. შემდეგ კვლავ წელში გასწორდება და ისევ სიმღერა, ან ტიტინი ათას სისულელეზე.

მაგრამ არის წუთი, როდესაც დორა უცნაურად იცვლება, რატომღაც სევდით იღრუბლება. ამ დროს იგი ქანდაკებასავით გაშეშებულია, იდაყვ-დაყრდობით იგადაჰყურებს ნავიდან მდინარის ტალღებს და რალაცას მისჩერებია, ერთი შეხედვით გეგონებათ, რომ თავის შიშველი გულ-მკერდის ანარეკლის მშერითა სტკებება. მაგრამ არა, დორა ფილოსოფოსობს!..

— რა ამბავია, დორა? — ვეკითხები, როცა ერთხელ ამოოხრა: შენ მოწყენითა ხარ.

— მართალია.

— ასე უცბად.

ის მხრებს იწევს. შემდეგ მეც ვიღრუბლები. მაგრამ დორა კაემანის ღრუბლებს მიფანტავს:

— მე ვუყურებდი ტალღებს და ჩემს სიცოცხლის მიმდინარეობას ვადარებდი მის სრბოლას ჩვენი ცხოვრების წუთებიც ასეთ რიგად მირბიან წინ-წინ და არც ერთს მათგანს აღარ ეღირსებათ დაბრუნება.

მე გამეცინა, იმასაც...

კიდევ რალაც უშინაარსო ნაწყვეტებით განვაგრძეთ საუბარი, მაგრამ არ იქნა, ვეღარ დავიბრუნეთ წუთიერი თავდავიწყება. ჩვენს ნაძალადევს კისკისს ერთი მელანქოლიური სიმღერა მოჰყვა დორას მხრით, რომელიც ზედ უშაზე შესწყვიტა.

მეცნაურა.

— დორა..!

— წავიდეთ, — მეუბნება, — მიცვა...

მენავეს სწრაფად გავუსწორდი. მინდოდა ეტლი დამეჭირა, მაგრამ დორამ არ ჰქნა.

— ავად ხარ, დორა, შენ სიარული არ შეგიძლიან...

— როგორ არა... შემიძლიან... შემიძლიან... ვიღობლი ჩვეულებრივ მხიარულობდა. ქუჩები ელექტრონის ზვირთებს ჩაენთქა. ნაცნობ ყავახანიდან უკვე ჩახრინწიანებული ხმით გამოისმოდა ბარიტონით ტორეადორის პარტია. მინდოდა, დორა შემეპატიყენა, მაგრამ არ ისურვა. შემდეგ ბინამდე ისე მივიყვანე, რომ ერთმანეთს აღარ გამოვლავარაკებოვართ.

— გამარჯვებით...

ხელი არც კი ჩამომართვა. გაალო კარები და პირდაპირ სახლში აირბინა. მარტო დავრჩი. კარგა ხანს დაფიქრებული ვიდექ და სრულებით ვერ გამეგო, დორა რად დადგა ასეთ უცნაურს გუნებაზე!

შინ დაბრუნებისას მარტო ტუყურკა და ფეხსაცმელები გავიხადე და ისე წამოვწექი, რომ ოთახი არც კი გამანათებია...

დ. კასრაძე.

(შემდეგი იქნება).

ბალკანეთის ომი და საერთაშორისო განწყობილება

როგორც მოსალოდნელი იყო, ბალკანეთის ომმა „მახლობელ აღმოსავლეთის“ საკითხი უფრო გამწვავა და ევროპის იარას ბასრი შაშარი შეუყარა.

მთელი ევროპა აყაყანდა თავიდანვე და მრავალი სხვა და სხვა ინტერესების შეხლა-შეჯახების შემდეგ, უფრო ნათლად გამოირკვა, რომ ევროპიელ სახელმწიფოთა ეგრედ წოდებული „კონცერტი“, მჩხავანა კატების კონცერტსა ჰგავს, რომელთაც ერთმანეთისათვის და სხვისთვის მხოლოდ რისამე წაგლეჯაზედ უჭირავთ თვალი.

ეხლა, მართალია, სისხლი ისევ ბალკანეთზე იღვრება; პატარა, აფხორებული „მოკავშირე“ სახელმწიფოანი სჯიჯგნიან საბრალო, დაუძლურებულ ოსმალეთს, მაგრამ ყურადღება მთელი კაცობრი-

ობისა გადატანილია მთელს ევროპაზედ. ბალკანეთის ომი ერთგვარი პულსაცა არის, გულის აჩქარებული ცემა, რომელიც მთელი ევროპის ორგანიზმში, ყოველ მის სახსარში საომარ სიცხეს და ავზებულ ჟინს აღვიძებს. თუ დასაწყისში მოსალოდნელი იყო, რომ პაწაწინა ჩერნოგორიის ზარბაზანს, ზევივით უპასუხებს გამოხმაურება ავსტრიის ზარბაზნებისა რუსეთის საზღვარზედ, ეხლა არა ნაკლებ მოსალოდნელია ქეკა-ქუხილი საფრანგეთ-გერმანიის საზღვრებზედაც.

ომი ბალკანეთზე საბედისწეროდ გრძელდება. დღიდან დაწყებისა აღრიანოპოლს და სკუტარის „ორი დღის“ შემდეგ იღებენ და კი ვერ აიღეს, მართალია, ბერძნებმა იანინა დაიპყრეს, მაგრამ ჩატალჯის სიმაგრენი შეურყევლადა სდგანან.

ორივ მებრძოლი მხარე დაიღალა, არაქათი გამოელთა, მაგრამ ევროპა კი არ არიგებს მათ, როგორც ქვეა დამჯდარი არბიტრი-შუამავალი, არამედ აღანძული სახით თვითონაც თრთის, რომ მოქიდავეთა ავლა-დიდება ხელში ჩაიგდოს.

გერმანიამ უეცრივ გადასჭრა ჯარისკაცთა გამრავლება და სამხედრო-საომარ კრედიტის გაძლიერება. ასეთი დიდი ხარჯის გამომწვევი ნაბიჯი, ყოვლად შეუძლებელია, გერმანიას რაიმე „ცული განზრახვით“ არ გადაედგას. გერმანია, ავსტრია არ არის, რომ მარტო დასამუქრებლად გაეწია ასეთი უზომო ხარჯი.

იქნებ ეხლა, როცა ავსტრიის ეკონომიური კრიზისი გამოაშკარავდა მობილიზაციის დროს და აუტანელმა ხარჯებმა თითქმის სამარცხვინოდ უკან დაახვეინეს, გერმანიისათვის უფრო ცხადი შეიქმნა, რომ საერთაშორისო ბრძოლაში იგი მხოლოდ თავის თავს უნდა ენდობოდეს. იტალიას, ამ მესამე რგოლს სამთა კავშირის ძეწკვისას, ხომ ყოველთვის სახიფათო „ზზარი“ ეტყობოდა. ჯერ ომის პირველ ხანებშიაც, როცა ავსტრია ნამეტანის სიმკაცრით ამხედრდა სერბიის წინააღმდეგ, იტალია დიდს ყოყმანში იყო და ურჩობას აცხადებდა. ყველა ეს და ბევრი სხვა მოსაზრება, გერმანიის მთავრობას პირს შიგნითკენ აბრუნებინებს და თავის საკუთარ ძალებს აკრებინებს.

მაგრამ ასეთი დარღვევა ევროპის „წონა-სწონაობისა“, რასაკვირველია, შეუმჩნეველი არ დარჩებოდა სხვა სახელმწიფოებში. საფრანგეთმა მაშინვე გააძლიერა სამხედრო კრედიტი 500.000,000 ფრანკით და შეიტანა კანონ-პროექტი სამხედრო ბევრის ვადის გაგრძელებისა სამ წლამდის; რითაც რიცხვი

ჯარისკაცთა ერთი მესამედით იმატებს. ინგლისში საომარ ფლოტის ბიუჯეტი იმდენად გააღი.ეს, რომ გაზეთების სიტყვით ნავთ-საშენებლები (верфи) ვერ აუვლენ იმოდენა მუშაობას და არც იმდენი მუშა ჰყავს ინგლისსაო. და ეს ინგლისში, საცა მთელი სამხედრო ძალა—ფლოტშია. ამის გარდა, დაჟინებით ლაპარაკობენ საყოველთაო სამხედრო ბეგრის შემოღებაზე, რასაც აქამდის ინგლისში ადგილი არა ჰქონდა. კონსერვატორები მოითხოვენ აგრეთვე ჰაერში მფრინავ ფლოტის გაძლიერებას.

რუსეთი თითქო ყველაზედ ნაკლებ ემზადება ომისათვის, თუმცა ყოვლად შეუძლებელია, გარეშე მაყურებელის როლი შეინარჩუნოს, თუ საერთო ბრძოლა გაჩაღდება.

ყველა ამ საერთო ხასიათის მზადებას რომ ის წვრილმანებიც დაუმატოთ, რომ საფრანგეთი ელზას-ლოტარინგიის დაბრუნებაზედ ოცნებობს, რომ ინგლისი ეგვიპტეში ამაგრებს ალექსანდრიის ნავთსაყუდარს, რომ გერმანია სამხედრო ალღუმებსა მართავს აღმოსავლეთ საზღვრებზედ ისეთის გეგმით... ვითომ ციხე-სიმაგრეებს იცავს და სხ.—ჩვენ მივიღებთ იმ საერთო სურათს, რომელიც საერთაშორისო ომისათვის სამზადისსა ჰგავს ძალიანა.

მაგრამ ნუ დავივიწყებთ, თუ რა „ძვირი ჯდება“ ნხლანდელი ომი, ნუ დავივიწყებთ, თუ რა საშინელებას უქადის იგი ევროპის ლაშქრებს, რა ხიფათს უმზადებს ყველა სახელმწიფოს და მაშინვე იბადება მოსაზრება, რომ ამ ომს „საფუძველი“ არა აქვს. იგი ხელსაყრელი არავისათვის იქნება და მარტო ამას შეუძლიან მიჯაჭვოს თავაწყვეტილი ბელლონა ოქროთი დაბრმავებული ევროპისა, ამის სიმპტომიტიური ნიშანი ავსტრიის და რუსეთის დემობილიზაცია არის, რომელთაც მარტო „სამზადისმა“ ჩააყლაპინა მილიონები.

ავსტრია, რომელიც ყველაზედ მეტად იწვედა საომრად, დღეს, დარცხენილი, ლამის შეურიგდეს სკუტარის გადასვლას ჩერნოგორელების ხელში; ხვალ ეგებ გერმანიამ შეიგნოს, რომ აღრაცხელი სამხედრო ხარჯი არა ღირს იმ ფასად, რა ფასსაც იგი სდებდა ოსმალეთის სიმრთელეს და სიძლიერეს.

ამ რიგად, ევროპა განმზადებულია საომრად და საომარი ეჩინი ევროპიელ მთავრობათა კიდევ თხოულობს წყურვილის მოკვლას, მაგრამ ესეთი „ოპერაცია“ და ერთა სისხლის დენა მარტო მათზე არაა დამოკიდებული.

ეს კი ცხადია, რომ ატმოსფერა გაჟღენთილია საომარი ელექტრონით და მისი დაკლა-დაშრეტა მით უფრო ძნელდება, რაც მეტ ხანს გრძელდება ბალკანეთის ომი, რომელსაც შეუძლიან ზედ წაიხვიოს, როგორც გორგალმა, ჯერ რუმინია, მერე ალბანია-ავსტრია, შემდეგ რუსეთი, გერმანია-საფრანგეთი და ბოლოს ინგლისიც.

მეომარი.

წვრილი კრედიტის ამხანაგობა მანგლისში

ისე დღე არ გაივლის, რომ გახეთქებას არ გვაუწყოს, ამა და ამ სოფელმა, თუ საზოგადოებამ, ეს და ეს კულტურული დაწესებულება დაიანსაო. უგულა ეს ხდება ქართლში. სხვა დაწესებულების კარდა დღევანდლამდე ოცზედ მეტი წვრილი კრედიტის ამხანაგობაა დაარსებული, არის აგრეთვე სსსოფლო საშუენყო ამხანაგობაც. მათ შესვეურებმა შეიგნეს ასეთი დაწესებულების მნიშვნელობა, ხალხი სიამოვნებით უერთდება ერთმანეთს მუერნობის გასაუმჯობესებლად და ერთი ერთმანეთისათვის წარსამაგებლად. ჩვენი მხარე კი უგულა ამს მოკლებულია. აქ საღსს ჯერ სულ არავინ ჰყავს გზის მახვერებელი და, თუ მოიბოგება თითო ოროფა და სცდილობს ხალხს რამე შეაკვებინოს, მათ ეღობებთან წინ ხალხის მტრები, რომელთაც თვისი „ცოდნა“ მ.რტო თვისის კუჭის სსსარგებლად გადაუქცევიათ და სხვასაც ხელს უშლიან.

ამას წინადა ს. ზრეთში რამდენიმე ქართულმა განიძრახა მერქობის ამხანაგობის მოწყობა, ამხანაგობაში მონაწილეობის მიღებაზედ სურვილი განაცხადა სსმმა შესაქონლე გლეხმაც. მიმართეს ცნობილ მუერნეს, ბ. ნ. ი. ეაფრიშვილს, მონაწილეობა მიეღო ამხანაგობაში და მასთან საქმის წარმოებაც, როგორც სპეციალისტი, მას ეკისრნა. ბ. ეაფრიშვილი ამხანაგობის ასეთს განზრახვას სიამოვნებით მიეგება და დროც დაუნიშნა მასთან მანგლისში ზირობის დასაწყრად და გკემის შესამუშავებლად, მაგრამ დღევანდლამდე მასთან არავინ მისულა კარდა ორი სამი მუთაურისა; გლეხები თოფის სიასლოფესც ვეღარ მიიკარეს. თურმე საქმე იმაშია, რომ გლეხებისათვის ვიდაცას რადაცა წაუფუენუნებია, და ამ რიგად ჯერჯერობით საქმე შეჩერდა. ასევე ხდება წვრილი კრედიტის ამხანაგობის დაარსებაშიაც ჩვენში. რუსებში კი სულ

სხვა; ესენი ერთმანეთს ნდობით ეკიდებიან და შეერთებულად მოქმედებენ თვისის ცხოვრების გასაუმჯობესებლად. ესენი სარგებლობენ ჩვენი ხალხით, ჩვენ კი ჩვენის უნდობლობით ვრცოვით უფსკრულის სიბნელეში

დაიარსეს რუსებმა წვრილი კრედიტის ამხანაგობა, აირჩიეს გამგებობის წევრნი, თავმჯდომარედ ერთ ხმად აირჩიეს ბ. ნ. ი. უაგრიშვილი, თუმცა იქ არ იყო, წევრებზედ მდ. ჩაქაძე და სხვანი, როცა ინსპექტორმა უაგრიშვილი მიიწვია და გამოუცხადა ხალხმა თავმჯდომარედ თქვენ ავირჩიათო, მან უარი განუცხადა: „თუ სამსახურია ისევე ჩემს ხალხს ვემსახურებო, ვინაიდან ერთსა და იმავე დროს ორგან ვერ ვიქნებიო და სიხოვას ინსპექტორს დახმარება გეწოი ასეთ ამხანაგობის დაარსებაში ს. დიდ თანეთში, თანეთელებისათვის, მუჯისის საზოგადოებისათვის და ზატარა თანეთის საზოგადოებისათვის, ინსპექტორმა კათივადისწინა მანგლისი, როგორც შუაგული გარშემო მცხოვრებ ქართველებისათვის და უპასუხა: „თუ ისურვებს ქართველი ხალხი და შემოუერთდება რუსებსა, სიამოვნებით მივიდებო და, როგორც ძირითად თანხს ისე მოკლე ვადიან სესხს მოუშობებო“. უაგრიშვილი მხოლოდ მაშინ დასთანხმდა ამ თანამდებობის ასრულებას. ჯერ ჯერობით მანგლიასკელთ ძირითად თანხად მიეტათ 1500 მ., მოკლე ვადიან სესხად 6000 მ.

როგორც გახეობიდან ვიცით, ბ. უაგრიშვილმა უკვე დაადგინა რუს ამხანაგობის ოქმი შემოხსენებულ ქართველ საზოგადოებების მიღებაზედ ამხანაგობაში და წარადგინა სადაც ჯერ არს დასამტკიცებლად. თუმცა დამტკიცება ჯერ არ მოსულა, * მიინც უაგრიშვილის ენერგიულმა მოქმედებამ რუსებზედ სამჯერ მეტი მსურველი აღმოაჩინა ამ ამხანაგობისათვის.

სემიტი.

რომელიც მცირე წლოვანთათვის არის, შედგენილია ძალიან კარგად. მოთხრობები „მიტო და თამრია“ ნინო გოგენიაშვილისა, „რა ახირებულა“ მანანასი, „ქვა-მოსარჩლე“ იასე რაქველისა—ერთი მეორეზედ უკეთესია.

მეორე ნახევარში, მოზრდილთათვის, შემდეგია საინტერესო: „ძლივს“ სურათი სოფლის ცხოვრებიდან გ. ქუჩიშვილისა, „ვლადიმერ ალექსი-მესხიშვილის იუბილეს გამა“ ე. გაბაშვილისა, „პირველ ყოფილ ადამიანის ყოფა-ცხოვრება“ იტა ნაკაშიძისი და „მოხუცი მეთევზე“, ნათარგმნი რუსულიდან ნინო ენუქაძის მიერ.

რედაქციამ მიიღო რამდენიმე წიგნი, გამოცემული წ. კ. გ. საზოგადოებისაგან და მისი ქუთათური განყოფილებისაგან: „ალი“, მოთხრობა ნიკო ლომაურისა. „თაფლადებულნი ქართველნი“, ი. გოგებაშვილისა და „მაგდანას ლურჯა“ ეკ. გაბაშვილისა.

ჩვენ ი ფო ს ტ ა

ჯონჯოლაძეს: ეს სადიდმარხვო ფსევდონომია, თუ ნამდვილი გვარი? მოთხრობა კი მეტად უმარალოა.

აბ—შვილს: „...ისეთი ქარი ავარდა—დედამიწას ანძრ ევდაო.“ გეოლოგები, პირიქით ამტკიცებენ, —მიწა რომ ინძრევა, ხშირად ქარი ამოვარდება ხოლმეო. ქართველებიც ამბობენ: უპ, რა ქარი ამოვარდაო... როცა სტყუის ვინმე.

მწყარს: ერთ პატარა ზღაპარში თხუთხმეტი ანდაზა მოცუავთ. კარგი არის მეთექვსმეტეც: არა შეჯდა მწყერი ხესაო.

მ—ის „მაიმუნი იჯდა; და მღეროდა...“ (?) ეს უფრო ავტობიოგრაფიასა ჰგავს, თითქო?

ბიბლიოგრაფია

რედაქციამ მიიღო საყმაწვილო ჟურნალ „ჯეჯილის“ მეორე ნომერი. პირველი ნახევარი წიგნისა,

რედაქტორ-გამომცემელი

რ. გაბაშვილი.

*) ამ წერილის დაბეჭდვამ დაიგვიანა შემთხვევით.